

## **Terms and Conditions**

The Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Library.

Each copy of any part of this document must contain there Terms and Conditions. With the usage of the library's online system to access or download a digitized document you accept there Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Library

For reproduction requests and permissions, please contact us. If citing materials, please give proper attribution of the source.

### Imprint:

Director: Mag. Renate Plöchl

Deputy director: Mag. Julian Sagmeister

Owner of medium: Oberösterreichische Landesbibliothek

Publisher: Oberösterreichische Landesbibliothek, 4021 Linz, Schillerplatz 2

### Contact:

Email: [landesbibliothek\(at\)ooe.gv.at](mailto:landesbibliothek(at)ooe.gv.at)

Telephone: +43(732) 7720-53100

und noeman. Von hered. von dem was das in  
 gesind der herediten. vñ noeman von dem was  
 das ingesinde d noemaniter. Ditz sind die sün  
 beniamin durch ir geschlecht. der zal aller was  
 fünfundwürtzigtausent sechshundert. Dy sün  
 dan durch ir geschlecht. suhan. vñ dez was dz  
 ingesind der suhaniter. Ditz sind dy geschlecht  
 dan. durch ir ingesinde. All warn sie suhaniter.  
 der zal w3 vierundsechzigtausent vierhundert  
 die sün aser durch ir geschlechte. iemna. von dē  
 was das ingesinde d iemnaiter. Jessui von dez  
 was das ingesinde der iessuiter. Brie. von dem  
 was dz ingesinde d briter. Die sün brie haber  
 von dem was das ingesinde der haberiter. und  
 melchihel. von dem was das ingesinde der mel  
 chiheliter. Und der nam der tochter aser d was  
 sara. Ditz sein die geschlecht der sün aser. vñ ir  
 zal was dreyundfünftzigtausent vierhundert.  
 Die sün neptalim durch ir geschlecht. iessihel.  
 vñ dē was das ingesinde der iessiheliter. Gu  
 ni von dē was dz ingesinde der guniter. Jaser  
 vñ dē was das ingesinde der iaseriter. Sellem.  
 vñ dē w3 dz ingesinde d sellemiter. Ditz sein dy  
 geschlechte der sün neptalim durch ir ingesinde  
 ir zale was fünfundwürtzigtausent vierhundert.  
 Ditz ist die sün der sün israhel die do sein ge  
 mercket. sechshunderttausent ein tausent siben  
 hundert dreyssig. Vñ der herr redt zu moysen.  
 sagen. Disen wirt geteylet das land nach d zal  
 der namen in iren besitzungen. Dē merern gib  
 dē maysten teyl. vñ den mindern den wyenigern

teyl. als sy nun al sein gemercket. also wirt geant  
 wurt die besitzung. doch allein also. das dz lof  
 teyle den geschlechten das land und dez inge  
 sinde. Was dinges do gehöret dem lof. sy em  
 pfahen weder mer noch minder. Vñ ditz ist dy  
 zal der sün leui durch ir ingesind. Gerson von  
 dē ist das ingesind der gersoniter. Chaath von  
 dē ist dz ingesind der chaathiter. Merari. vñ dē  
 ist das ingesind der merariter. Ditz sein die in  
 gesind leui. Das ingesind lobni. Das ingesind  
 hebromi. Das ingesind mooli. Das ingesind musi  
 Das ingesind chori. Vñ auch chaath gebar am  
 ram. der het ein weyb iochabeth die tochter leui  
 die im was geborn in egipt. Dife gebar amram  
 irem manne aaron vñ moysen vñ maria ir schwe  
 ster. Von aaron wurd geborē nadab und abiu.  
 vñ eleazar vñ ythamar. der selben sturbē nadab  
 vñ abiu do sy hetten geopfert dz frembd fewr  
 vor dem herrē. Vñ aller der die do warē gezalt  
 der warē. xxij. tausent menlichs geschlechtz vñ  
 einem monadt und darüber dife sein nicht geze  
 let vnder den sünen israhel. In ist nit gegeben  
 die besitzung mit den andern. Ditz ist die zal d  
 sün israhel die do sein auffgeschriben von moy  
 sen und von eleazar dem priester in den velden  
 moab auff dem iordan gegen iericho vnder dē  
 was keyner. die do waren gezalt vñ moysen vñ  
 aaron in der wüste synai. Man der herr hett es  
 vorgesagt das sy al stürben in der eynöde. Vñ  
 keyner belib von in. allein caleph der sun iepho  
 ne. und iosue der sun nun.

